


վենիկով վոճավորած և դեպի մեջքը դարձրած. դեմքը թեքել է դեպի նայողը*։ Ամենայն հավանականությամբ հանդիպակաց կողմը պիտի լիներ յերկրորդ առյուծը, իբրև դրան պահպանների։ Սրա նման յերեվոյթ տեսնում ենք Դիարբեքիլի խարբերդի դրան մոտ, խորշի աջ և ձախ կողմերից, ըստ արձանագրության հիշրեթի 297 կամ փրկչական 909/10 թվին**։ Տեղի և դասավորության կողմից Դիարբեքիլին շատ նման են մեր Աղթամարի վանքի զույգ առյուծները 916 թվից, արևելյան պատի խորշի յերկու կողմից¹։

Առյուծի հարձակումը ցույի վերա հայ արվեստի մեջ տեսնում ենք Ցախաց քարում 1061 թվին, Մակարա վանքում վոչ ուշ քան 1207 թ., բայց հավանորեն ԺԲ. դարու յերկրորդ կիսում. ԺԳ. դարու առաջին քառորդում Գեղարդի տաճարի հարավային պատին և մոտավոր նմանությամբ Դիարբեքիլում 1163/4—1180 թ. թ.², հավանորեն ավելի վաղ արևելյան վոսկերչական գործերի մեջ, քիչ տարբերությամբ միայն, այսինքն առյուծը հարձակվել է յեղան վերա և փողոտում է պարանոցի կողմից, կամ յեղջիբուրի վերա³, իսկ շատ ավելի հին հետիոտյան արվեստի մեջ⁴։ Այս հիշատակությունների ձևակերպության մեջ ի հարկե, կան փոքրիկ տարբերություններ, բայց ընդհանուր միտքը նույն է. առյուծը հարձակվել է յեղան վերա և կամենում է փողոտել նորան։

Վերցնենք մի ուրիշ մոտիվ, վոր գործադրված ենք տեսնում հայ և մահմեդական — սելջուկյան արվեստների մեջ, թևավոր կամ անթև վիշապները, իրար հետ կովոդ, իրար փաթաթված կամ իրար հանդեպ, վորոնց համար Berchem-ը նկատում է. Ce motif est figuré sur plusieurs monuments musulman du moyen âge — այս մոտիվը ձևակերպված է միջ-

նադարյան, մուսուլմանական շատ հուշարձանների վերա — և փաստական որինալներ ցույց տալիս, Բագդատում, Համթում, Կայիրեյում, Հալեպի միջնաբերդում կամ Երզրումի Զիֆտե մինարեի վերա, գործա-



Գրակալ փայտակերտ. 1272 թ.

Պատկեր 63—64.

* Анийская Серия № 2. Н. Мара. СП. 1908. ст. 40. № 49. рис. 8.

** Strzygowski. Amida. 344. պատկ. 292. Taf. III. 1. 2.

1 Walter Bachman. Kirchen und Moscheen in Armenien und Kurdistan. Lpzg. Taf. 34. 36; Линч. Армения. 1910 Том. II. պատկ. 141. Strzygowski. Die Baukunst der Armenier. 295.

2 Գեղարդինը տ. Ուլարովայի. Матер. XIII. Табл. III: Մակարա վանքինը՝ Փափազյանի. Հնութիւնք վանորէից. Առաջին գիրք. Վաղարշ. 1899. լուսանկարների ժողովածու. Դիարբեքիլում՝ Strzygowski Amida. 63. 67. Տախտ. XVI. 1.

3 Смирнов. Восточное Серебро. Атлас. պատկ. 289, 106.

4 Хетты. статья Захарова. 73.

դրված նաև Որթոքիդների դրամների վերա*։ Թողնենք գիտնականների, դրանց թվում և Բերխեմի բացատրությունները, պատմական դեպքերի հետ կապելով, իբրև զինանշանների. մեզ հետաքրքրում է այստեղ իբրև գեղարվեստական յերևույթ, վոր նկատում ենք նաև Հայաստանում։ Վիշապական (և կենդանական) մոտիվների առատ նյութ է տալիս Առաքելոց հայտնի Տառնականը 1204/6 թվից, բայց նկատելի յեն նաև քանդակագործության մեջ. ահա ձեզ Կոտայքի Աօինջ գյու-

* Berchem—Strzygowski, Amida. 82 2.